

Saigon

Meh als 100 Jahr lang haend nid Vietnamese, sondern Uslaender d'Gschicht vo Saigon bestimmt. Vo 1859 bis 1954 d'Franzose und zwuesched 1954 bis 1975 d'Amerikaner. Saigon isch weder franzoesisch no e amerikanisch, aber au kei spezifisch asiatisch oder vietnamesisch Stadt! Eher e mischig us allem zaeme! D'Stadt haet dae Name "Saigon" oder "Ho Chi Minh City". D' Hafestadt liit 50 km vom Suedchinesische Meer entfernt, am Nordrand vom Mekong- Delta, inmitte vonere Tiefebene am Westufer vom Saigon- Fluss! D'Regeziit isch vo Mai bis Oktober und durchschnittstemperatur liit zwuesched 23 - 32 Grad!

I ha irgendwie e voellig falschi Vorstellig gha vo Saigon: alt, dreckig, viel Verkehr! Doch die Stadt isch s gegeteil! I mein, au da haet's, wie a vielne Ort in Vietnam Verkehr, aber lang nid so viel wie in Hanoi!:o) Mir haend wieder s'Glueck gha es 4'er Zimmer z'finde, so chan mer Geld spare und es isch au viel laessiger!:o) Leider isches im oberste Stock gsii und bi daere Hitz, chunt mer gad chli ischwitze, andersiits mach i so gad echli Sport!;o)

Am 1. Tag, haned mir z'erscht dae Bus nach Cambodia organisiert! Saigon - Pnomh penh - Siem Reap - Bangkok, wieder es "Open Tour Busticket"! s'ganze chostet 25 - 43 \$! (Ach ja, in ganz Vietnam chan mer uebrall mit USD \$ zahle und mengmal chunt mer s'Wechselgeld denn in \$ oder i dae Vietnamesische Waehrig "Dong" ueber!)

Nach mae lange Spaziergang dur d'Stadt sind mir im "War Museum" glandet! s'zieigt eim Foto und Dokument usem Chrieg. Mini Gfuehl sind ueber iidruecklich, truurig, wuetend, bemittleidend,....., chans nid wuerklich beschriibe was i dene 2 Stund i mim Chopf gsii isch oder was i gfuehlt han! Weiss nur, dases en bsuech Wert isch, zum Gschicht vo Vietnam und d'Mensche besser z'Verstah! s' wird eim ziegt wie d'Mensche gfolterete worde sind. En grosse Teil vom Museum brichtet ueber d'wuerkige vo chemische Waffe und ueber d'effekt vo "Agent Orange", eifach grausam!

S'gaebt au da ganz viel Museum, Tempel, Kirche, Moescheen,....., z'gseh! Aber am 2. Tag han i eifach d'Stadt und d'Mensche uf mi wueke lah und s'gsehne probiert z'Verarbeite! Leider isch au s'Wetter nid so guet gsii und s'haet immer wieder gregnet!

Saigon isch dae letst Stop in Vietnam und im grosse und ganze haet's mir da sehr guet gfalle! s'Land isch wunderschoen und echt iidruecklich. Leider isch's eifach immer wieder aergerlich, dass mer soviel ueber s'Ohr ghaue wird! D'Mensche da, sind au sehr uufdringlich, was mir mit dae Ziit recht uf dae Keks gange isch! Trotz allem wuerd i gern wieder mal nach Vietnam, es gaebt no ganz viel s'gseh!;o)